

PRIJEDLOG !

Na osnovu člana 6. stav 1. tačka 4., te člana 20. Stav 2. Zakona o koncesijama („Službene novine Kantona Sarajevo“ br. 27/11 i 15/13), člana 13. Zakona o principima lokalne samouprave u FBiH („Službene novine FBiH“ br. 49/06 i 51/09), člana 55. tačka 2. Statuta općine Ilijaš – prečišćeni tekst („Službene novine Kantona Sarajevo“ br. 20/09) i člana 99. Poslovnika o radu Općinskog vijeća Ilijaš („Službene novine Kantona Sarajevo“ br. 2/10 i 18/15), Općinsko vijeće Ilijaš na svojoj ____ sjednici, održanoj __. __. 2017. godine, donijelo je :

ODLUKU

o davanju prethodne saglasnosti u postupku dodjele koncesije na vodnom dobru za zahvatanje i korištenje podzemnih voda

Član 1.

Daje se saglasnost privrednom društvu „EDEKA“ d.o.o. Sarajevo, sa sjedištem u ul. Moševačka bb – Podlugovi, Ilijaš, za pokretanje procedure dodjele koncesije na vodnom dobru za zahvatanje i korištenje podzemnih voda na lokalitetu Podlugovi parcela k.č. 2477/1 u K.O. Podlugovi.

Član 2.

Odluka stupa na snagu danom objavljivanja u „Službenim novinama Kantona Sarajevo“.

Broj :
Ilijaš,

**PREDSJEDAVAJUĆI
OPĆINSKOG VIJEĆA**

Dević Mahir, prof.

OBRAZLOŽENJE

Privredno društvo „EDEKA“ d.o.o. Sarajevo obratilo se svojom samoinicijativnom ponudom Ministarstvu privrede Kantona Sarajevo za dodjele koncesije na vodnom dobru - zahvatanje i korištenje podzemnih voda na lokalitetu Podlugovi.

Obzirom da Zakon o koncesijama (Službene novine Kantona Sarajevo br. 27/11 i 15/13) svojim odredbama u okviru člana 20. stav 2. je propisao da u slučaju samoinicijativne ponude ponuđač pored studije opravdanosti je dužan da dostavi dokaze o riješenom prethodnom pitanju – saglasnost općinskog vijeća za provođenje postupka dodjele koncesije, to se privredno društvo EDEKA d.o.o. Sarajevo obratilo sa zahtjevom Općinskom načelniku i Općinskom vijeću za izdavanje saglasnosti za dodjele koncesije na vodnom dobru - zahvatanje i korištenje podzemnih voda, te uz svoj zahtjev priložili :

- Dopis Ministarstva privrede KS – dopuna zahtjeva ;
- Izvod iz RP Podlugovi II ;
- Upotrebnu dozvolu za kompleks poslovnih objekata,

Pravni osnov za donošenje Odluke o davanju prethodne saglasnosti prevashodno se nalazi u odredbama Zakona o koncesijama (Službene novine Kantona Sarajevo br. 27/11 i 15/13), u okviru kojeg je članom 6. propisano šta sve može biti predmet koncesije, odnosno u konkretnom slučaju stav 1. tačka 4. navedenog člana je propisao da predmet koncesije može biti „izgradnja i/ili korištenje objekata vodoprivrede i vodosnadbjevanja (hidroakumulacije, objekti snadbjevanja vodom, korištenje vodotoka i drugih voda)“. Već smo napomenuli da Zakon svojim odredbama u okviru člana 20. stav 2. je propisao da u slučaju samoinicijativne ponude ponuđač pored studije opravdanosti je dužan da dostavi dokaze o riješenom prethodnom pitanju – saglasnost općinskog vijeća za provođenje postupka dodjele koncesije.

Također, pravni osnov za donošenje se nalazi se u članu 13. stav 1. Zakona o principima lokalne samouprave (Službene novine Federacije BiH" br. 49/06 i 51/09) kojim su po principu enumeracije nabrojane nadležnosti Općinskog vijeća, te odredbama člana 55. i 104. Statuta Općine Ilijaš ('Službene novine Kantona Sarajevo' br.20/09) kojim su propisane nadležnosti Općinskog vijeća za donošenja akata i drugih propisa, odnosno u konkretnom slučaju navedene Odluke, kao i odredbama članova 99. i 102. Poslovnika Općinskog vijeća Ilijaš ("Službene novine Kantona Sarajevo" br. 2/10 i 18/15) kojima je propisano koje vrste akata donosi Općinsko vijeće.

Općina Ilijaš je razmotrila predmetnu ponudu, a kako postoji interes Općine Ilijaš koji se prevashodno ogleda u ostvarenju prihoda od koncesione naknade tj. 60 % prihoda po osnovu ostvarene koncesije pripada Budžetu Općine, to i predlažem Općinskom vijeću da usvoji navedenu Odluku.

PREDLAGAČ
OPĆINSKI NAČELNIK
Akif Fazlić, dipl.ecc.